



**O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI
JIZZAX POLITEKNIKA INSTITUTI REKTORINING
B U Y R U G‘I**

2025-yil “14” iyun

237-AF-son

Jizzax shahri

**Fanlardan akademik qarzidor bo‘lgan
talabalarga qo‘shimcha semestr
tashkil etish to‘g‘risida**

O‘zbekiston Respublikasi Vazirlar Mahkamasining 2020-yil 31-dekabrda
“Oliy ta’lim muassasalarida ta’lim jarayonini tashkil etish bilan bog‘liq tizimni
takomillashtirish chora-tadbirlari to‘g‘risida”gi 824-sonli Qarori bilan tasdiqlangan
“Oliy ta’lim muassasalarida o‘quv jarayoniga kredit-modul tizimini joriy etish tartibi
to‘g‘risida”gi Nizom hamda O‘zbekiston Respublikasi Oliy va o‘rta maxsus ta’lim
vazirining 2018-yil 9-avgustdagi “Oliy ta’lim muassasalarida talabalar bilimini
nazorat qilish va baholash tizimi to‘g‘risidagi nizomni tasdiqlash haqida”gi
19-2018-son buyrug‘i bilan tasdiqlagan “Oliy ta’lim muassasalarida talabalar
bilimini nazorat qilish va baholash tizimi to‘g‘risida”gi NIZOM hamda Institut
Kengashi qarorining ijrosini ta’minlash maqsadida

B U Y U R A M A N:

1. O‘quv jarayonini samarali tashkil etish maqsadida fanlardan akademik qarzidor bo‘lgan bakalavriat ta’lim yo‘nalishi va magistratura mutaxassisliklari talabalariga qayta o‘qish uchun pullik asosida qo‘shimcha semestr tashkil etilsin.

2. Jizzax politexnika instituti rektori tomonidan 2024-yil 28-avgustda tasdiqlangan o‘quv jarayoni grafigiga va Registrator ofisi boshlig‘ining bildirishnomalariga asosan qo‘shimcha semestr tashkil etish belgilansin.

3. **Moliya-iqtisod ishlari bo‘yicha prorektor (Y.Rajabov), bosh hisobchi (S.Berdiqulov) va “Registrator ofisi” boshlig‘i (D.Xamraqulov) ga:**

3.1. Qo‘shimcha semestrda o‘qish istagini bildirgan bakalavriat (kunduzgi va sirtqi) ta’lim yo‘nalishlari va magistratura mutaxassisliklari talabalariga amaldagi stipendiyasiz kontrakt summasidan kelib chiqqan holda belgilasin.

3.2. Qo'shimcha semestrda o'qish istagini bildirgan bakalavriat ta'lim yo'nalishi talabalari 1-ilovaga muvofiq va magistratura mutaxassislik talabalari fanlarning kredit hajmidan kelib chiqqan holda qo'shimcha shartnoma berish ta'minlansin.

4. O'quv ishlari bo'yicha prorektor v.v.b. (J.Nasriddinov), O'quv-uslubiy boshqarma boshlig'i (J.Nasriddinov) va "Registrator ofisi" boshlig'i (D.Xamraqulov) ga:

4.1. Qo'shimcha semestrni tashkil qilish maqsadida akademik qarzidorlik fanlari o'quv soatlari qayta hisoblab chiqilsin (fanlarning o'quv soatlarini hisoblashda ma'ruza, amaliy, laboratoriya ko'rishida o'quv mashg'ulotlari olib borilishi inobatga olinsin)

4.2. Qo'shimcha semestrda o'qish istagini bildirgan talabalarga HEMIS platformasi orqali akademik guruhlar shakllantirilsin.

4.3. Qo'shimcha semestrda o'qish istagini bildirgan ammo fanlardan guruhlar shakllanmagan talabalarga HEMIS platformasi orqali akademik qarzidor fanlar uchun shaxsiy grafik shakllantirilsin.

4.4. Akademik guruhlar hamda shaxsiy grafikka asosan akademik qarzidor talabalarga qayta o'qishi va o'zlashtirishi uchun dars jadvali tegishli tartibda ishlab chiqilsin va tasdiqlansin.

4.5. Kafedra mudirlarining bildirishnomasiga asosan o'quv mashg'ulotlari olib borgan pedagog xodimlarga soatbay haq to'lash bo'yicha buyruq rasmiylashtirsin.

5. Reja-moliya bo'lim boshlig'i (O.G'afforov)ga:

5.1. Qo'shimcha semestrda o'quv jarayonini tashkil etish uchun jalb etilgan pedagog xodimlarga soatbay haq to'lash belgilansin.

6. O'quv-uslubiy boshqarma boshlig'i (J.Nasriddinov) va "Registrator ofisi" boshlig'i (D.Xamraqulov) ga:

6.1. 2024-2025-o'quv yili o'qishni ko'chirish va tiklash vaqtida fanlardan akademik farqi chiqqan talabalarning belgilangan shartnoma bo'yicha qo'shimcha semestr uchun akademik qarzidor fanlaridan to'lov summasini amalga oshirgan talabalarga amaldagi vaqt me'yorlariga asosan (3076-sonli oliy ta'lim pedagog xodimlarining o'quv soatlar miqdorini tasdiqlash to'g'risidagi buyrug'i) tashkil etilgan guruhlarda bildirishnomaga asosan shakllantirilgan dars jadvali asosida o'quv mashg'ulotlari olib borilsin.

6.2. Qo'shimcha semestrda o'qish istagini bildirgan talabalar ro'yxati Registrator ofisi boshlig'ining bildirishnomasiga ko'ra shakllantirilsin.

7. Fakultet dekanlari, bo'lim boshliqlari va kafedra mudirlariga:

7.1. Qo'shimcha semestrda o'qish istagini bildirgan talabalar ro'yxati shakllantirilsin.

7.2. 2025-yil bildirishnomada belgilangan sanaga qadar qo'shimcha semestrda o'qish istagini bildirgan talabalarning shartnomada ko'rsatilgan to'lovlarni amalga oshirishini nazorat qilish vazifasi yuklatilsin.

7.3. Qo'shimcha semestrda o'quv jarayonini tashkil etish uchun kafedralardan akademik qarzдорlik fanlari xususiyatidan kelib chiqqan holda pedagog xodimlar ro'yxati shakllantirilsin.

7.4. Qo'shimcha semestrda o'quv jarayonini tashkil etish va talabalar bilimini baholash me'zonlariga amal qilgan holda amalga oshirilishi ta'minlansin.

8. Ushbu buyruq ijrosini nazorat qilish O'quv ishlari bo'yicha prorektor v.v.b. J.Nasriddinov zimmasiga yuklatilsin.

Asos: Vazirlar Mahkamasining 2020-yil 31-dekabrdagi 824-son qarori, Institutning 2022-yil 4-apreldagi 9-son Kengash qarori hamda "Registrator ofisi" boshlig'i bildirishnomasi

Rektor



A.Usmankulov

Loyihani taqdim etuvchi:
Registrator ofisi boshlig'i



D.Xamraqulov

Kelishilgan:

O'quv ishlari bo'yicha prorektor v.v.b.



J.Nasriddinov

Moliya-iqtisod ishlari bo'yicha prorektor



Y.Rajabov

Xodimlar bo'limi boshlig'i



A.Xazratqulov

Yuriskonsult



D.Ergasheva